

## Evening Dogri (NSD) Bulletin 07-12-2024

### आकाशवाणी

खास खबरां .....

- 1 राष्ट्रपति द्रौपदी मुर्मू होरें ओडिशा च बक्ख-बक्ख परियोजनाएं जिस च 3 रेलवे लाइन परियोजना बी शामिल ऐ दा नीह पत्थर रखेआ।
- 2 प्रधानमंत्री नरेन्द्र मोदी होरें आखेआ जे सरकार समाज दे हर तबके तोड़ी स्कूली शिक्षा प्रदान करने लेई वचनें बज्झी दी ऐ।
- 3 टीबी गी खत्म करने सरबन्धी 100 दिनें दे राष्ट्रव्यापी अभियान दी शुरूआत।
- 4 सशस्त्र बल झंडा दिवस अज्ज मनाया जा'रदा ऐ।
- 5 सीरिया च सरकारी सुरक्षा बले दारा शैहर पर अपना नियंत्रण मुहाई दित्ता ऐ, विद्रोहि होम्स शैहर बक्खी कब्जा करने लेई अगगे बधा'रदे न। भारत नै उत्थें रवा'रदे भारतीयें गी सीरिया छोड़ने दी सलाह जारी कीती ऐ।
- 6 एडलीड च भारत कन्नै दुए क्रिकेट टैरू मैच दे दुए दिन दा खेड्ड मुक्कने तोड़ी भारत नै अपनी दूई पारी च 5एं विकेटें दे नुकसान पर 128 रंज बनाई लैते न।

<><><><><><>

### President

राष्ट्रपति द्रौपदी मुर्मू होरें अज्ज उत्तर ओडिशा च केंदुझार ते मयूर भंज जिले गी जोड़ने आली 6 ज्हार 294 करोड़ रपे दियां त्रऊं रेलवे परियोजनाएं सनें बक्ख-बक्ख परियोजनाएं सनें बक्ख-बक्ख परियोजनाएं दा नीह पत्थर रखेआ। उनें आदिवासी अनुसंधान ते विकास केन्द्र 52.4 करोड़ रपे दी लागत कन्नै 100 बिसतरें आले अस्पताल ते अपने गृह जिले मयूर भंज दे रायांगपुर च दबुबोस हवाई पट्टी दे दर्जा बधाने लेई विकास परियोजना दी बी शुरूआत कीती। नमियां

रेलवे लाइनें बंगरीपोसी थमां गोरूमहिसानी, बादामपहाड़ शा केंदुझार ते बुदमारा शा चाकुलिया तोड़ी न। नमिएं रेल लाइनें राहें संपर्क च बाद्धा होने, आर्थिक विकास गी बढावा थहोने ते क्षेत्र च जीवन स्तर च सुधार होने दी मेद ऐ। रेल परियोजनाएं गी हाल च गै प्रधानमंत्री नरेन्द्र मोदी हुंदी अध्यक्षता आली आर्थिक मामले दी कैबिनेट समिति आस्सेआ मंजूरी दित्ती गई ही। नींह पत्थर रखने आले समारोह च ओडिशा दे मुख्मन्त्री मोहन चरण माझी, केन्द्रीय रेल मंत्री अश्विनी वैष्णव, केन्द्री आदिवासी मामले दे मंत्री जूअल ओरम होर मजूद हे। तोआई राष्ट्रपति होर मंगलवार थमां अपने गृह राज्य ओडिशा दे 5एं दिनें दे दोरे पर हियां ते अज्ज दपैहरी नमीं दिल्ली पुज्जी गेइयां। आकाशवाणी संवाददाता नै दस्सेआ जे राष्ट्रपति होरें आखेआ जे केन्द्र सरकार देश आदिवासिएं दे पूरे पराते विकास पर ध्यान देआ'रदी ऐ। उनें आखेआ जे नमीं रेल परियोजना मयूरभंज जिले दे लोकें दा सुखना ऐ जसि च बंगरोपोसी बी शामिल न। उनें मेद बुज्जी जे एह परियोजना तैह समें दे अंदर पूरे होई जांगन।

<><><><><><>

## PM-KV

प्रधानमंत्री नरेन्द्र मोदी होरें अज्ज पूरे मुल्खे च 85 नमें केन्द्रीय विद्यालयें दे खोलने दे मंत्रिमंडल दे फैसले दी सराहना कीती। अपने इक सोशल मीडिया पोस्ट च प्रधानमंत्री मोदी होरें आखेआ जे स्कूली शिक्षा दी पुज्ज गी होर सौक्खा बनाने लेई सरकार आस्सेआ लैता गेदा एह इक होर बड्डा फैसला ऐ। उनें इस गल्ला उप्पर जोर भरेआ जे इस फैसले कन्नै जित्थें मती गिनतरी च विद्यार्थिएं गी फायदा होग, उत्तीं गै इस कन्नै मते सारे नमें रोजगार दे मौके बी पैदा होंगन।

<><><><><><>

## PM-TB

प्रधानमंत्री नरेन्द्र मोदी होरें आखेआ ऐ जे देसे दे टीबी दे खलाफ लड़ाई होर बी मजबूत होई गई ऐ, जेहदे च जिनें जिलें च टीबी दे मते मामले न। उनें जिले च मता ध्यान दिंदे होई 100 दिनें दी खास मुहिम शुरू कीती गई ऐ। अपने इक सोशल मीडिया पोस्ट च मोदी होरें आखेआ जे भारत मरीजें गी मती मदाद, जन भागेदारी, नमीं दुआइए, तकनीकें दा इस्तेमाल ते बेहतर निदान उपकरणें कन्ने टीबी कन्ने लड़ाई दे ऐ। उनें सारें गी अपील कीती जे ओह किट्ठे होइयै टीबी गी खत्म करने च मदद करन।

<><><><><><>

## PM-Flag Day

प्रधानमंत्री नरेन्द्र मोदी होरें अज्ज आखेआ ऐ जे सशस्त्र बलें दा झंडा दिल राष्ट्र दे वीर जवानें दे शौर्य, दृढ़ संकल्प ते बलिदान गी सलामी देने दा ऐ। सशस्त्र बलें दे झंडे दिवस दे मौके उपपर अपने इक सनेह च मोदी होरें आखेआ ऐ जे इंदी बहादरी सारें गी प्रेरणा दिंदी ऐ ते इंदा बलिदान सारें गी विनम्र बनांदा ऐ। उनें लोकें गी सशस्त्र बलें दे झंडे दिन दे कोष च बी योगदान देने लेई आखेआ।

<><><><><><>

## Rajnath Flag Day

रक्षामंत्री राजनाथ सिंह होरें अज्ज सशस्त्र बलें दे झंडे दिन दे मौके पर भारतीय सशस्त्र बलें दी हिम्मत, शौर्य ते बलिदान गी नमन कीता। राजनाथ सिंह होरें आखेआ जे सशस्त्र बलें दा झंडा दिन भारतीय सशस्त्र बलें दी हिम्मत ते योगदान गी याद करने दा दिन ऐ। उनें भारत गी सुरक्षत बनाने च अहम भूमिका नभाने लेई उंदी सराहना कीती। सन् 1949 थमां 7 दिसम्बर गी सशस्त्र बल दे झंडे दिन दे तौरा उपपर मनाया जंदा ऐ।



## LG Flag Day

जम्मू कश्मीर दे लेफ्टिनेंट गवर्नर मनोज सिन्हा होरें अज्ज आखेआ ऐ जे आतंकवाद दा मुकाबला करने ते केन्द्र शासित प्रदेश दे बन्ने आहले ते दूर-दरेडे इलाकें च रवै करदे लोकें गी इक साजगार म्हौल उपलब्ध करोआने लेई फौज बडी महत्वै आहली भूमिका निभा करदी ऐ। एलजी होरें अग्गे आखेआ जे स्हाड़े थेहारबंद बलें दे बड़े मते जोगदान दी बदौलत जम्मू-कश्मीर अज्ज तेज रफतार कन्नै समाजी-आर्थिक विकास दी बत्ता पर अगड़ा बधा करदा ऐ ते विकास-बाददे दे लाह अज्ज प्रदेश दे हर इक कोने तगर इक बरोबर पुज्जा करदे न। सिन्हा होर अज्ज राजभवन जम्मू च सशस्त्र बल झंडा दिवस दे मौके पर आयोजित कार्यक्रम दरान बोला करदे हे। इस मौके उनें जम्मू-कश्मीर दे लोकें अग्गे अपील कीती जे ओह सशस्त्र बल झंडा दिवस आहले कोष लेई दिल खोलियै दान देन।



## PM Modi

प्रधानमंत्री नरेन्द्र मोदी होरें आखेआ ऐ जे सरकार पूरे देश च संपर्क बवस्था बेहतर बनाने लेई वचने बज्झी दी ऐ। इक सोशल मीडिया पोस्ट च उनें आखेआ जे दिल्ली मेट्रो दे चौथे गेड़ तैहत रिठाला कुंडली गलियारे दे निर्माण लेई कैबिनेट दिल्ली ते हरियाणा बशकार यात्रा सौक्खी होग। इस परियोजना दा कम्म अगले 4 ब'रे च सबूरा होई जाग।



## Syria

सीरिया च सरकारी सुरक्षा बलें आस्सेआ दारा शैहरा पर अपना कब्जा मुआई दित्ता ऐ। इसी मुख्य रूपै ने देश च 2011 ब'रे दे सिविल बगावत दा केन्द्र मन्नेआ जंदा ऐ। बरतानिया स्थित मानव अधिकारें लेई सीरिया दे निगरान मताबक विद्रोहिणं हुनै तोड़ी दारा खित्ते दे दारा शैहर च 90 फीसद शा मती धरतै पर कब्जा करी लैता ऐ। एह शैहर राजधानी दमिश्क शा कोई 100 किलोमीटर दे छिंडे पर स्थित ऐ। विद्रोहिणं कल दऊं शैहरे दे बाद सीरिया दे त्रीए सब्बने शा बड्डे शैहर होम्स बक्खी अग्गे बधना शुरू करी दित्ता ऐ। जिस करी ज्हारां लोकें होम्स छोड़ी दित्ता ऐ। तोआई भारत नै अपने नागरिकें गी सीरिया दी यात्रा हालीया हालात गी दिखदे होई जिचिर अग्गे दी कोई अधिसूचना जारी नेई होए उचिर नेई करने दी सलाह जारी कीती ऐ। इक एडवाइसरी च विदेश मामले मंत्रालय नै सीरिया च रवा'रदे भारतीयें गी दुमसकस च भारती दूतावास कन्नै संपर्क च रौहने लेई आखेआ ऐ।



## Jaishankar

विदेश मंत्री डॉ. एस. जयशंकर होरें दोहा फोरम 2024 च इक पैनल चर्चा दरान भारतीय हितें पर क्षेत्रीय अस्थिरता दे दूर तोड़ी पजाने आस्तै असर उप्पर लोह पाई जेहड़ा जे शनिवार गी कत्तर च शुरू होआ हा। कत्तर दे प्रधानमंत्री ते नार्वे दे विदेश मंत्री कन्नै इक नमें युग च संघर्ष मध्यस्ता पैनल च बोलदे होई डॉ. जयशंकर होरें जोर दित्ता जे कियां दूर देश दे तनोतनी आला हालात भारत दे आर्थिक ते सुरक्षा हितें गी प्रभावत करदे न। जिसलै जे भारत इंदे चा किश हालात करी भौगालिक रूपै नै दूर होई सकदा ऐ। उंदा असर फौरी तौर ते काफी न। डॉ. जयशंकर होरें इस क्षेत्र च भारत दी महत्वपूर्ण मजूदगी बक्खी इशारा करदे होई आचखेआ। उनें ब्यौरा दित्ता जे कोई बद्धर मिलियन भारतीय धरतै दे बश्कारले हिस्से च देशसै च रौहदे न ते दपक्खी बपार दा मुल 80 बिलियन डॉलर

ऐे जिसलै जे खाडी क्षेत्र 10 मिलियन भारतीयेंद ी मेजबानी करदा ऐे ते 180 बिलियन डॉलर दे बपार सरबंधें गी बनाए रखदा ऐे।



## Korea

दक्खन कोरिया दी राजधानी सियोल च राष्ट्रीय असेंबली च राष्ट्रपति यून-सूक-योओल खलाफ महाभियोग प्रस्ताह पर वोटिंग होआरदी ऐे। सियोल च अज्ज राष्ट्रपति गी हटाने लेई इक बड्डी रैली दा आयोजन होआ। इस हफते दी शुरूआत च राष्ट्रपति होरें देस च मार्शल ला लाने दी कोशश कीती ही। श्री येओल होरें इस हफते मंगलवार गी देशै च मार्शल ला लाने दी घोषणा कीती ही, मगरा संसद नै इसी खारज करी दित्ता। अज्ज दिने च राष्ट्रपति होरें राष्ट्र दे नां संदेस च मार्शन लाल लाने लेई देशवासिएं थमां माफी बी मंगी ते आखेआ जे ओह इस लेई करने दी कनूनी जां राजनीतिक कारवाई लेई तैआर न।



## Smart India Hackathon

औंदी 11 दिसम्बर थमां आयोजित कीते जा करदे स्मार्ट इंडिया हैकाथॉन 2024 दे साफ्टवेयर संस्करण दी मेजबानी लेई आईआईटी जम्मू पूरी चाल्ली तैयार ऐे। मुख्य भरै थमां 30 टीमां, इस दरान साईबर सुरक्षा सरबंधी बडी मती महत्वपूर्ण चुनौतिएं दा नबेडा करने लेई आपूं-चै मुकाबला करडन। आकाशवाणी दे जम्मू जिला संवाददाता अंकुश शर्मा दी रिपोर्ट मूजब, आईआईटी जम्मू थमां त्रै टीमां कर्नाटक, दिल्ली ते गुवाहाटी जाइयै अपने-अपने सरबंधत नोडल केन्द्रें च आईआईटी जम्मू दी नुमाइंदगी करडन। इस राष्ट्रव्यापी पैहलकदमी दा एह 7मां संस्करण ऐे जेहदा आयोजन शिक्षा मंत्रालय आसेआ कीता जा करदा ऐे। केन्द्री शिक्षा मंत्री धर्मेन्द्र प्रधान होर वर्चअल ढंग्गै कन्नै एहदा उद्घाटन करडन। मुख्य भरै च इस कार्यक्रम लेई 51 नोडल केन्द्र बनाए गेदे न। सहाडे जिला संवाददाता

अंकुश शर्मा नै इस सरबंधै च आईआईटी जम्मू दे नोडल अधिकारी डाक्टर विजय पाल हुंदे कन्नै गल्लबात कीती।

<><><><><><><>

## Jammu Heli Service

जम्मू-कश्मीर सरकारै, खित्ते दे लोकें ते सैलानिं लेई बवस्थित ते निर्विघ्न जात्तरा ते संपर्क सुविधाएं च बाददा जकीनी बनाने लेई हैलीकाप्टर सेवाएं गी परतियै चालू करी दित्ता ऐ। सोशल मीडिया दी इक पोस्ट राहें सैलसफा निदेशालय नै एह जानकारी दित्ती ऐ जे हैलीकाप्टर सेवा गी जम्मू थमां रजौरी, पुंछ, डोडा, किशतवाड़ लेई फही शुरु कीता जा करदा ऐ। इस्सै चाल्ली किशतवाड़ थमां नावापाची, सौंदर ते इन्शान लेई बी एह सेवा फही रम्भी जा करदी ऐ। हैलीकाप्टर टिकटें दी बुकिंग लेई लोक सैलसफा निदेशालय जम्मू दे दफतर कन्नै राबता करी सकदे न।

<><><><><><><>

## Cricket

एडीलेड च खेड्डी जा करदी बार्डर-गावस्कर ट्राफी दे दुए टेस्ट मैच दे अज्ज दुए ध्याड़े भारत खलाफ अस्ट्रेलिया नै अपनी पकड़ मजबूती करी लैती ऐ। अज्ज दिनै दा खेड्ढ मुक्कने तगर भारत नै 5 विकटें दे नुक्सान पर 128 रन्ज बनाई लैते ते ओह अजें बी अस्ट्रेलिया थमां 29 रन्ज पिच्छे न। भारत दी तरफा ऋषभ पंत ते नितिश रेड्डी होर दिनै दा खेड्ढ मुक्कने तगर क्रीज पर डटे दे हे। एहदे शा पैहले अस्ट्रेलिया नै अपनी पैहली पारी च 337 रन्ज बनाए ते भारत खलाफ 157 रन्जें दी महत्वपूर्ण बढ़त हासल करी लैती।

<><><><><><><>